

**S**ünftiger lieber Leser / dich wird  
vielleicht Wunder nehmen / worumb dieses  
Prognosticon also vnd auff solche weise *inscribiret*,  
auff etliche Jahr gestellet / vñ also in ein büchlein zu  
sammen verfasst / etc. Aber hierauff solich dir vnvers  
meldet nit lassen / dz nemlichen auß sonderlichen bes  
dencken vñ etlicher vrsachē halber disz *Prognosticon*  
also *informiret* vnd zusammen geschriben / vnter wel  
chē ich dir nit die geringste / sondern wol die vornem  
ste anzeigen vnd zuverstehen geben wil / dz nemlich  
auff ein Jahr schwerlich ein *perfect* vñ vollkomenes  
*judiciū* auß den *astris* mag beschriben werden / vnd  
dieses darumb / weil nit so bald erfolget / wñ die *con  
stellation* anzeiget / so mögen auch die *Eclipses* vnd  
grossen *conjunctiones* ihren *effectū* vnd bedeutung /  
wol in etlichen folgenden Jahren erweisen / so doch in  
*presentem annum* gefallen. Vber das so können sich  
auch wol andere *constellationes* begeben / in bald fol  
genden Jahren / dardurch vorgehende bedeutung et  
wā gehindert / auffgeschoben oder ganz *tolliret*, vnd  
hinwiederumb auch wol *confirmiret* vnd bestercket  
werden möchte. Weil denn dieses einem *Astronomo*  
alles wol zu *ponderiren*, zu erwegen / vnd mit allen  
fleiß zubetrachten / eigen in vnd gebühren wil / damit  
man sich desto besser in gegenwertige geschichtliche zeis  
ten richtē möge oder könne. Als hab ich an diesem orte